

DE  
VEGETABILIBUS SVECANIS  
OBSERVATIONES ET EXPERIMENTA,

QUORUM  
SECTIONIS PRIORIS PARTEM PRIMAM,  
CONSENSU AMPL. FAC. PHIL. UPS.

PROPONUNT

*ADAMUS AFZELIUS,*

FAC. PHILOS. ADJUNCTUS EXTRA-ORD.

ET

ANDR. MAGN. WADSBERG,

STIPEND. SLEINCOURIANUS, OSTROGOTHUS.



IN AUDITORIO GUSTAVIANO MAJORI  
D. II. MART. ANN. MDCCLXXXV.

---

UPSALIAE, TYPIS DIRECT. JOH. EDMAN.

**Cognitio Naturalis Patriæ præferenda Exterarum  
Regionum contemplationibus.**

**LINNÆUS, Amœn. Acad. Vol. I. p. I.**

## PRÆFATIO.

**V**egetabilibus, quæ intra fines Patriæ sponte proveniunt, conquiendis, a multis retro annis operam navavi. Adhuc juvenis, florum amœnitate captus, quidquid offendebam, sine cognitione decerptum siccatumque papyro adfigebam, & nomen quod demum cumque ab aliis impositum multa cum accurarione adscribebam. Cæcum igitur animi impulsus secutus, non alium omnino finem cogitabam.

Deinde vero numero magis aucto, augebatur etiam habendi cupido. Vegetabilia Svecana in univèrsum omnia noscere & possidere desiderabam. Itaque non tantum ipse sollicitus colligebam, sed aliis etiam hoc committebam negotium, adhuc tamen non alio fine, quam ut omnibus Floræ nostræ divitiis, uno loco congestis & uno quasi intuitu contemplantis, posse delectari.

Tandem autem, ætate provectior, meliora sapere incipiebam. Solæ, ut ajunt, nomenclaturæ adquiescere non ardebat. Neque differentiam externam, classificationem, nomina, characteres, terminos, aliaque ejusmodi, unice scire, operæ pretium ducebam. Botanico credebam potius incumbere, ut Vegetabilium mutationes, effectus, leges, proprietates, cet., quantum fieri possit, exploraret, & ante omnia aliquem usum pro scopo haberet inquirendum. Sit ille sive *naturalis*, in Oeconomia & Politia ipsius Naturæ quærendus, sive *artificialis*, homini proprius, quemque jure dixeris vel *Medicum*, quatenus sanitati conservandæ & restituendæ inservit, vel *Oeconomicum*, quatenus ad cultum atque victum comparan-

randum conducit, vel *Technicum* denique, quatenus commoditates ac jucunditates adquirendas respicit.

His rationibus inductus, *Observationes & Experimenta* ipse instituire incipiebam. Illis enim solis veram niti & utilem fore cognitionem Vegetabilium, existimabam. Pro oblata igitur occasione, *examinavi*, & longe aliud saepe numero inveni, quam quod cogitaram. *Observavi*, & proprietates, etiam in Vegetabilibus vulgatissimis, vidi perquam singulares & attentione dignissimas. *Experimenta* quoque *institui*, & detexi, quæ non omnino inutilia judicet, spero, æquus rerum æstimator.

Has *Observationes*, hæc *Experimenta* jam publici juris facturus, id unice necesse habeo præmonere, me nihil aliud in medium protulisse, quam quod ipse oculis meis usurpavi, quodque vel omnino novum, vel aliorum saltim observationibus confirmaturum judicaverim.

Summa insuper veneratione LINNÆANUM Nomen prosequens, a fundamentis Botanices, quæ jecit hoc ævi nostri Decus, solidissimis ne latum quidem unguem discedere religioni duxi. Quin contra tanti Viri vestigia pro viribus sequi, in primis sum adnixus.

Hocce autem opusculum meum in duas Sectiones divisum volui, quarum prior sive *Theoretica* continet ea, quæ ad Vegetabilia, per notas ex illorum natura, proprietatibus, mutationibus, descriptionibus & id genus aliis petitas, rite dignoscenda & in vera sede collocanda, facient. Posterior vero sive *Practica* suppeditat ea, quæ usum supra nominatum propius spectant.

DISQUISITIO  
DE VEGETABILIBUS SVECANIS  
JUXTA  
OBSERVATIONES.

---

SECTIO PRIOR.

---

CAP. I.  
DE GENERIBUS.

§. I.

**A**b illis, quæ, me iudice, cum aliis haud incom-  
mode conjungi possent, exordiar.

**OBS. 1.** *CENTUNCULUS*, *calyce corollaque* quinqueparti-  
tis & *staminibus* quinque, in litoribus lapidosis, hieme  
inundatis, tractus circa Gothoburgum maritimi copiose  
crescit. Quem mecum benevole communicavit amicissi-  
mus D:nus AND. DAHL. Nullam igitur ab *Anagallide* a-  
liam video differentiam, nisi quod illi tubus corollæ  
brevissimus & huic nullus; quem terminum si expunxeris,  
omnino eundem habebis utriusque characterem. Sit ergo:

*ANAGALLIS Centunculus*, foliis ovatis, alternis; floribus  
axillaribus, sessilibus.

**OBS. 2.** *APHANES* variat *calyce* 8-fido & 4-fido, *pi-  
stillis* duobus & uno, *feminibus* tandem duobus atque u-  
no, eodem modo ac *Alchemilla vulgaris*. Plerumque ta-  
men in utraque unum tantummodo pistillum & germen  
observavi. Et quum præterea huc accedit habitus omni-

A

no

no idem, eo majori jure in unum genus conjungantur, &, de qua ago, nominetur:

ALCHEMILLA *arvensis*, foliis trilobatis, obtuse crenatis.

OBS. 3. MYOSURUS a *Ranunculis* vix separandus videtur, nam si nectaria illius quinque, subulata, petaliformia, pro totidem sumseris petalis, unguibus seraceis instructis, basi tubulatis & fundo melliferis, non multum forsitan erraveris. Habet præterea *scapum* nudum, uniflorum & *calycem* basi appendiculatum, ut *Ran. falcatus*, eundemque pentaphyllum, ut totum genus; *stamina* numero variantia, a 5 ad 10, ut *Ran. bederaceus*, quin etiam, licet rarissime, a 12 ad 20, ut *Ran. sceleratus*; *receptaculum* conicum, subulatum, ut idem. Hoc igitur notetur caractere specifico:

RANUNCULUS *Myosurus*, scapo nudo, unifloro; foliis linearibus; feminibus acuminatis.

OBS. 4. TORMENTILLA solo partium fructificationis numero, unica nempe quinta parte deficiente, a *Potentilla* discrepat. Qualem *Potentilla reptantis* florem non nunquam reperi; quamque ideo a *Tormentilla reptante* vix crediderim distinguendam, fatentibus id ipsum Anglicis Auctoribus, HUDS. Angl. ed. 2. p. 225. & LIGHTF. Scot. p. 273. Quum igitur non nisi unica certo restet *Tormentilla* species, & generi constituendo minime sufficiat partium fructificationis numerus solus, utpote cujus ideo, ceteris omnibus similibus, nulla est habita ratio in formandis bene multis, v. gr. *Rhamno*, *Thebio*, *Gentiana*, *Lino*, *Convallaria*, *Rumice*, *Vaccinio*, *Polygono*, cet.; nihil impedire videtur, quo minus ad *Potentillas*, foliis digitatis, referatur *Tormentilla* nostra & appelletur:

POTENTILLA *Tormentilla*, foliis quinatis, lobis infimis implexicaulibus, inciso-partitis; caule procumbente, ramosissimo; flore tetrapetalo. Obs. 5.

**OBS. 5.** FILAGINES nostræ gaudent omnes pappo sessili, simplici, & flosculis in disco hermaphroditis, *stigmatæ* instructis ac *semina* proferentibus; iisque flosculis, vel pluribus, ut *Filago montana*, vel duobus tantum tribusve, ut *Fil. Germanica & arvensis*. Sunt igitur rationes, cur inter *Gnaphalia Filaginoidea*, quibus, æque ac reliquis nostris *Gnaphaliis*, pappus etiam est simplex, potius collocentur, quam diversum constituent genus. Diagnosin & notas specierum characteristicas videlicet apud Scop. Carn. ed. 2. Tom. II. p. 153. sq. & HUDS. l. c. p. 362.

**OBS. 6.** Byssi species in plura genera existimem distribuenda, & vereor, ne tantum non omnes solum sint initia aliorum vegetabilium. 1:0 *Filamentosæ*, quum locus crescendi & filamentorum longitudo generibus distinguendis sufficere nequeant, a *Conservis* ægre divelli possunt. Et annon illæ, in aquis plantatæ, in has tandem abirent? Harum etiam multæ, in primis enodes, vel sub armato oculo, ne ullum quidem articulorum vestigium mihi ostendunt. E contrario in filamentis *Byssi aureæ* simile quidpiam observo. De *Byssu flore aquæ* valde dubito, an potius sit congeries variarum particularum putrescentium, quam aliquod vegetabile. 2:0 *Pulverulentæ* quod non sint nisi *Lichenes leprosi* vel imperfecti vel adhuc juvenes, satis indicant species cum tuberculis vel scutellis jam tum repertæ. *Byssu saxatili* multum est commune cum crusta, tum *Lichenis rupestris*, Scop. l. c. p. 363, sq. & WEB. Spic. p. 190. sq., tum aliorum. *Byssum folitum* cum tuberculis in Ostro-Bothnia invenit Dnus Med. Lic. HAST, vid. Nov. Act. Soc. Scient. Ups. Vol. IV. p. 244. *Byssus candelaris* est sine dubio crusta *Lichenis candelarii*, illius nempe pulverulenti, fat vulgaris, quem non nulli pro juniore, alii pro varietate sumunt, sed quem ego pro diversa specie potius

rius haberem, quum scutellæ per ætatem in tubercula non mutantur. *Byssum Botryoidem* esse initium plurium Vegetabilium Cryptogamorum, facile crederem. Similes enim sunt *Lichenes Scyphiferi*, dum primum foriuntur; similis *Byssus velutina*, & crusta tum *Mucoris furfuracet*, tum *Lichenis Byssoidis*, madida in primis vel junior, tum etiam & ante omnia novi cujusdam, qui mihi *Lichen Botryoides*, tuberculis minutissimis, sphaericis, pallide fuscis, nitidis, quemque in humidis atque umbris juxta latera lapidum septemtrionem spectantis reperi. *Byssus incana* est crusta *Lichenis Muscorum*, WEB. l. c. p. 183. *Byssus lactea* perquam similis crustæ recens ortæ *Lichenis lentigeri*, WEB. loc. cit. p. 192. proxime accedit ad *Lichenem Muscorum*, SCOP. l. c. p. 365. & præsertim ad illum, quem pro *Lichene lacteo* in cortice *Betulae albae* non numquam sumsi.

## §. 2.

Ad illa Genera, quæ putaverim dividenda, jam progrediar. Sunt quidem plura, quæ unam alteramve continent speciem, toti characteri generico haud bene congruentem, quales sunt v. g. *Anthericum ossifragum* & *calyculatum*, *Ranunculus Ficaria*, *Leontodon Taraxacum*, cet. Sed neque hæc species adeo recedunt, neque ullam aliam intra primas XXIII Classes nosco adeo discrepantem, ut novum ideo genus, non nisi summa necessitate creandum, adhuc ausim proponere, nisi sit *Galeopsis Galeobdolon*, quam speciem, ab hoc genere separatam, bene descripsit, bonumque illi, ut novo generi, characterem dedit D: nus HUDSON, l. c. p. 257. 19.

Sed vero inter Fungos mihi videor videre, esse aliquam confusionem, ideoque non inutilem fore divisionem quamdam generum.

Obs. 1.



OBS. 1. PHALLUS *impudicus* eo, quod habeat *volvam*, eamque in plures partes laceras apice dissilientem; *stipitem* fistulosum; *pileum* margine liberum, subtus viscido-gelatinosum, apice umbilicatum & pervium; *membranulam* infundibuliformem, in cavo pilei locatam, illiusque aperturae margini circum adnatam, apice liberam, lateribus expansam per *fibrillas* tenuissimas, perforatas, ex Fungo ipso euntes & inde secerientes *liquorem*, qui per membranulam ascendit; supra pileum defluit & ad terram secum trahit granula sphaerica, sine dubio *semina*; in viscida illa materia sub pileo collocata, cfr. Schr. der Berl. Ges. Nat. Fr. III:ter B. Berl. 1782. p. 243. sq. T. 4 F. I.; satis superque a *Phallo esculento* differt, caractere insigniendus:

*Fungus turbinatus, volvatus; volva apice debescente; fructificatione infra pileum pervium sparsa.*

Quo autem feratur *Pballus* ille *esculentus*, non adeo facile est dictu. Sed quum ad *Helvellas* meas, vid. Act. Reg. Acad. Scient. Stockh. ann. 1783. p. 299. sq. T. 10. proxime accedat, illis adjungi possit, caractere specifico:

HELVELLA *Pballoides*, pileo flexo, reticulato, circum adnato; stipite rugoso, medio fistuloso. Quod valeat, usque dum plures fortassis innotuerint species, unde constet, utrum heic maneat, an diversum cum eis constituat genus. Interim *Helvellarum* character emendatus evadit:

*Fungus turbinatus; fructificatione supra pileum imperivium sparsa.*

OBS. 2. CLATHRUS *denudatus* & *nudus* atque *Mucor Embolus* & *obvelatus*, RETZ. Prod. p. 256. (*Embolus obvelatus*, OED. Dan. Tab. 536.) & plures ejusmodi, quomodo genere separentur, non video. Omnibus enim est *volva* inferne dehiscens, sensim aut tota evanescens, aut qua partem in apice remanens, ut videre est in *Clathro denudato*, JACQU. Misc. Austr. Vol. I. T. 6. & plures in-

cludens *fungulos* aggregatos, stipitatos & instructos quemque *capitulo*, plerumque oblongo vel cylindrico, contexto *villis* reticulatis, immixtis *pulvisculo* inquinante, qui sine dubio est fructificatio & fortassis semina. Ideoque character hujus generis essentialis erit:

*Fungus gregarius; volva communi basi debiscente; fructificatione capitulis fungulorum reticulato-villosis immixta.*

De *Clatbro cancellato, recutito & ramoso*, RETZ. l. c. p. 251., quum eos numquam viderim, dicere non attinet. Illum autem, quippe qui cum *Pballo impudico* affinitate jungitur longe propiori, conf. MICH. Gen. Plant. p. 213. sq. T. 93. TOURNEF. Inst. p. 561. T. 329. Fig. B. GLED. Fung. p. 140. T. 4 BATS. Fung. p. 23. Tab. 2. Fig. E. SCOR. l. c. p. 485., hujus non esse generis, habeo persuasissimum.

OBS. 3. *HELVELLA Pincti*, neque cum ceteris *Helvellis*, neque cum aliquo alio huc usque cognito genere congruit, nisi quoadmodum cum *Agaricis* praesertim coriaceis, HALL. l. c. p. 127. Novum vero potius constituat, idque eo majori jure, quum plures huc pertinentes habeam species, quarum crescendi modus omnibus communis hic est: Primum conspicitur tantummodo punctulum, quod deinde sensim in formam dilatatur orbicularem, planam, & denique margo superior in fungum excrefcit horizontalem, acaulem, planiusculum, plerumque imbricatum, supra villosum, subtus glabrum, laevem, aetate subtilissime rimosum & pulvisculum fructificationis demittentem. Itaque character genericus sit:

*Fungus horizontalis; fructificatione per superficiem inferam laevem sparsa.*

OBS. 4. *PEZIZA lentifera*, cujus saltem tres sunt species, a ceteris *Pezizis* cupularibus vel cyathiformibus, fructificationem in superficie excavata dispersam habentibus,

bus, substantia coriacea, fructificatione lentibus, in fundo campanulæ ope filorum adfixis, inclusa, & tota denique facie tam manifesto differt, ut non est, cur illis adnumeretur. Sit igitur diversum genus caractere:

*Fungus campanulatus, sessilis; fructificatione lentibus, in fundo locatis, inclusa.*

OBS. 5. LICHEN *scriptus, rugosus & pertusus, Tremella purpurea, Lycoperdon variolosum, fuscum*, HUDS. l. c. p. 645, *truncatum* (*Tremella turbinata*, HUDS. l. c. p. 563. & *Tr. Agaricoides*, RETZ. l. c. p. 235. *Peziza polymorpha*, OED. Dan. Tab. 464. & LIGHTF. Scot. p. 1055) atque *nigrum*, HUDS. l. c. 644. sq. (*Sphaeria tuberculata*, LIGHTF. l. c. p. 1113. sq.), *Sphaeria nitida*, WEIG. Obs. p. 45. Tab. 2. Fig. 14. & WEB. l. c. p. 281. sq., *Peziza punctata, Clavaria militaris, digitata & Hypoxylon*, atque aliæ præterea species bene multæ, mihi nondum satis cognitæ & inspectæ, jure videntur in unum conjungendæ genus, quod MICHELIIUS, l. c. p. 103. sq. primus constituit & post HALLERUM, Helv. Tom. III. p. 120. *Sphaeriam* appellarunt D. NUS WEIGEL, l. c. p. 42. sq. & D. NUS WEBER, loc. cit. p. 281 - 288. Omnes autem istæ jam nominatæ species vel quæcumque hujus generis aliæ in eo unice consentiunt, quod *cellulas* habeant plerumque globosas, rarius cylindricas, cortice obrectas, vel *plures* superimpositas, in unum commune tuberculum vel fungum sociatas, sive sessile, ut *Lichen scriptus & rugosus*, atque *Lycoperdon variolosum, nigrum, fuscum & truncatum*, sive stipitarum, ut *Clavaria militaris* vel *solitaria*, singulas totum constituentes, ut *Lichen pertusus, Sphaeria nitida & Tremella purpurea*, vel *sparsas* tandem in fungi superficie, ut *Peziza punctata, Clavaria digitata & Hypoxylon*, repletas *massa* pulverulenta, friabili, sæpe solidiuscula & plerumque carbonaria. Cortex iste communis dehiscit rimis, unica tantummodo longitudinali, in *Lichenibus* pri-

primo nominatis, pluribus vero vagis in *Lycoperdis*, & cellulæ in conspectum veniunt, vel sine interiori quodam cortice visibili materiam pulverulentam statim ostendentes, unde facies *Lycoperdi*, vel peculiari membrana donatæ, apice clausæ, rarius minutissimo porulo pertusæ, elevatæ & superficiem tuberculatam efficientes, ut *Lycoperdon nigrum*. In aliis speciebus est cortex exacte duplicatus, exterior, vel crustaceus, unde facies *Lichenis*, ut in *L. pertuso* & *Sp. nitida*, cer., vel gelatinoso-membranaceus in *Tr. purpurea*; interior vero ex membranula tenuissima, apice dehiscente, foramine sensim se dilatante, semper constat. In reliquis tandem, *Peziza* nempe & *Clavariis*, cellulæ istæ non nisi membrana propria, elevata, apice perforata sunt obductæ. Species tantum non omnes ex rimis corticis arborum propullulant, varia figura, vel oblonga, ut *L. scriptus* & *rugosus*, vel rotundior, ut pleræque, vel ramosa, ut *Clavariæ* duæ. In non nullis & præsertim junioribus difficillime admodum conspiciuntur cellulæ, sed nihilo minus a *Lycoperdis* materia illa pulverulenta friabili, compactiori & cortice plerumque lacero, facile & statim discernuntur. Atque ideo hujus generis, de Algis & Fungis simul participantis, sed ob fungosam plurium naturam his potius adnumerandi, character sit:

*Fungus, figura varius; fructificationis pulvisculo compacto, friabili, sacco incluso.*

*Ustilago segetum*, (Sor-ax, Brand i säd), de qua tam multum invenies scriptum, hujus etiam generis videtur & ad *Lycoperdon variolosum* proxime accedit. Sunt quidem, qui contendunt, hancce materiam carbonariam non esse nisi congeriem multarum animalculorum myriadum. Sed de *Lycoperdis* aliisque Fungis idem cogitant, vid. LINN. Amœn. Acad. Vol. VII. p. 396. sqq. & Weis, Crypt. p.

1 - 8. Et in cellulis, clavam *Clavaria militaris* constituentibus, etiam minutissima animalcula nuperrime sibi videre visus est D:nus ORT. FR. MÜLLER, vid. Besch. der Berl. Nar. Freunde, Ister B. Berl. 1775. 8:o f. 152. 156. 159. sqq. Unde igitur sequeretur, ut omnes in Regnum Animale amandarentur. Verum rationes mihi non adhuc satisfaciunt. Pluribus opus est experimentis, et usque dum illa fuerint instituta, publicique juris facta, Fungos in Regno Vegetabili retinere consultrius duxerim, & neque *ustilaginem segetum* a *Lycoperdo varioloso* loco sejungere, neque *Clavarias militares* a ceteris duabus supra nominatis, in quibus, quantum scio, nihil, quod vivum referat, adhuc detectum est, nec ego simile quidpiam in aliis Fungis detegere potui, etsi pulvisculum plurimum, quin & *Equiseti arvensis*, tum in aëre ex ejus impulsione tum in aqua ex illius vi massam istam pulverulentam penetrandi atque separandi, se motitantem, armato oculo sæpius observavi.

Valde suspicor, *Lichenem* etiam *globiferum* ad *Sphaerias* esse referendum. Illius enim tubercula, initio clausa, ætate pluribus rimis apice fatiscunt & nucleum ostendunt inclusum, ex materia atra, pulverulenta, densata constantem. Neque adeo multum ab hoc genere differre videtur *Lichen fragilis*, licet pulvisculus ille in tuberculis, quantum adhuc animadverti, in massam non bene cohaereat.

Hoc jam scripto & qua partem quoque impresso, manus incidit libellus: *Osservazioni sopra la Ruggine del Grano*, in Lucca, 1767. 8:o, cujus auctor, D:nus FEL. FONTANA multis argumentis evicit, *ustilaginem* nominatam esse aliquod vegetabile. Scilicet est fungulus gregarius, stipitatus, rubiginosus, vel ovalis, omnes similes & æquales, vel diversæ figuræ & magnitudinis, singuli at-

tem instructi stipite pellucido, capitulo conico, excavato & in ejus cavo locata glandula, capitulum superante, vid. p. 29 - 35 & Tabula adfixa. Hi funguli ut primum in aquam sunt immissi, movere se incipiunt, tamquam vita præditi essent. Sed hic motus, aqua inter illos bene penetrata & sic glutine, quo connectuntur, soluto, post aliquot temporis momenta cessat, ideoque ex sola aqua se insinuante exoritur, vid. p. 36. sqq.

OBS. 6. MUCORES *perennes*, si *M. Embolum* ceterosque illi similes exceperis, ad *Trichias* suas retulit HALL. l. c. p. 114. sqq. T. 48., ad *Clatros* HUDS. l. c. p. 631. sq., ad *Lichenes leprosos*, saltim unicum, Scop. l. c. p. 360., WEB. l. c. p. 198. sq., SCHREB. Spic. p. 134., RETZ. l. c. p. 224. Sed sine ullo dubio distinctissimi, novum constituent genus, inter Algas proxime *Lichenibus* locandum, cui nomen *Sphærocephali* vellem imponere & sequentem addere characterem:

*Crusta leproso-farinacea; capitulo globofo, villofo; villis fructificationis pulvere maculante immixtis.*

Scilicet omnibus est *crusta* tenuissima, leprosa, farinacea. *Stipes* tenuis, filiformis, erectus, longus. Inter septem, quas habeo, species unica tantummodo est acaulis. *Capitulum* globosum, tribus constans partibus, si verticaliter secatur, conspicuis, nempe inferne *cupula* cum materia tenui, solida, fusca, per fundum extensa & tecta *membranula*, mollioris substantiæ, pallida, concava, per dissectionem lunulam decreascentem referente & repleta *massa capillacea*, globosa, cupulam superante, ex pilis condensata brevissimis, erectis, pulvere inquinante onustis, haud raro deciduis & cupulam cum sua materia, sæpius deinde accrescente & in vagas rimas defiscente, calvam relinquentibus.

OBS.

**OBS. 7.** *Mucor septicus*, quoad investigare licuit, non ex vesiculis stipitatis consistit, sed, ut duæ etiam aliæ, quas possideo, species, ex filis longissimis, subtilissimis, densissime contextis, capillaceis, quæ, fungo recenti vel humido, unam massam unctuosam constituunt, sed, illo adulto vel siccato, optime distingvi & separari possunt. Omnes præterea humida & umbrosa amant, sub corticibus arborum, sub pavementis vel in parietibus proveniunt centrifugæ, recentes sætent, siccatae inodora, mollissimæ, optimæ alutæ similes, pulvisculo per superficiem sparso, præsertim in centro, ubi etiam tubera in formam minorum uberum elongata hæud raro conspiciuntur exorta. Possit igitur character genericus esse:

*Fungus unctuosus, centrifugus; fructificationis pulvisculo per superficiem & maxime in centro sparso.*

### §. III.

Tandem non nulla genera, quorum locum vel characterem mihi dubium fecerunt observationes, in quasdam illorum species instituta, proponam ulteriori examini subjicienda.

**OBS. 1.** *VERBENA officinalis*, ad Didynamiam certissime pertinet, ut reliquæ omnes *Verbena* tetrandræ, quæ si a Diandris non separandæ judicentur, totum hoc genus majori fortassis jure hæc, quam in Diandria, collocaretur, quum Tetrandræ Diandras numero superent.

**OBS. 2.** *CUSCUTA Europæa*, pentandra, calyce corollaque 5-fidis, & *Bryonia alba*, dioica, in terris Europæ meridionalibus semper occurrunt. Illa igitur ad Pentandriam & hæc ad Dicciam sit reducenda, si modo plures utriusque species hac ratione reperiantur similes.

OBS. 3. ARABIS *Tibaliana?* Radix annua, fibrosa, alba. Caulis spithameus vel pedalis, erectus, basi villosus, superne glaber, teres, striatulus, rarius multiplex, junior simplex, adultus ramosus. Folia radicalia aggregata, ovalia vel oblonga, obtusissima, petiolata vel spathulata, subdentata, supra hispida, infra scabriuscula; caulina lanceolata, integerrima, utrimque hispidula, semiamplexicaulia, plerumque alterna. Calyx foliolis 4 conniventibus. Flores corymbosi, pedunculati, tetradynami, albi, retrapetali. Petala obovata, integerrima, calyce duplo longiora, sed filamentis breviora. Siliqua ascendens, compressiuscula, subtorulosa, bilocularis, bivalvis; valvulis æqualibus, inferne dehiscentibus, deciduis: dissepimento residuo. Semina plurima, rotundiuscula, altero latere foveolata, submarginata, luteo-rubicunda. In aridis collibus, præterlapso vere, abunde crescentem repertum. Figura POLL. Hist. Tom. II:do subjuncta non bene quadrat. Glandulas intra calycis foliola nectariferas, vel centies lente quæsitas, nullo modo detegere potui. Si igitur hæc vera *Arabis*, cui glandulæ defunt & calyx connivens, quid tum discriminis inter hoc genus & *Turritim* intercedat, nisi sola fortassis siliqua illi anceps & huic angulata?

OBS. 4. LEONTODON *Taraxacum* habet calycem imbricatum, squamis laxis, inferioribus reflexis, & pappum stipitatum, simplicem. Sed *Leont. autumnali* & *hispido* est calyx subimbricatus, squamis omnibus adpressis, erectis, & pappus sessilis, plumosus. An igitur hæc ab illo sunt genere separanda? An vero character quispiam alius datur, in omnes æque conveniens?

OBS. 5. CREPIS *tectorum* & *biennis*, utraque gaudet pappo sessili, simplici, capillis spiraliter flexuosis, ad flexu-

xii



xuras minutissime denticulatis, denticulis vero non nisi optima lente conspicuis: calyce quidem calyculato, sed squamis exterioribus vix deciduis. Saltem in prima specie, delapsis ipsis seminibus, sen per remanent. Quo ergo ferentur? Vel poteritne character emendari?

OBS. 6. SERRATULA *tindloria* & *arvensis* receptaculum habent pilosum, atque hæc præterea & folia & squamas calycinas inferiores spinosas. Contra ea *Carduo* & *pulveris* & *beterophyllo* calyces sunt inermes. Quænam igitur vera inter hæc genera intercedit differentia? Calyx subcylindricus & ovarus atque stigma magis minusve bifidum: perquam exigua videtur. Possentne, ut *Centaureæ* calycibus inermibus & spinosis, in unam conjugi? Quod saltem stigma non judicetur impedimento esse, monstrant genera, *Valeriana*, *Rhamnus*, *Cheeropodium*, *Polygonum*, &c. vid. LINN. Gen. Plant.

OBS. 7. CHRYSANTHEMUM, & *Matricaria* quibus genuinis notis distinguantur, non bene capio. Ex *Chrysanthemis* Svecanis *inodorum* gaudet pappo marginato sat magro, *segetum* vix conspicuo, & *Leucanthemum* prorsus nullo. *Matricaria Partbenium* instructa est squamis calycinis margine arido-membranaceis: *Matr. maritima* & *Clr. inodorum* omnino iisdem, margine scariosis, undulatis: *M. Chamomilla* seminibus tenuissime coronato-marginatis, prorsus ut *Clr. segetum*. Et generatim nulla *Matricaria* species ex nostratibus squamas marginales habet solidas.

OBS. 8. ARUM *maculatum* & *Calla palustris*, quum utriusque stamina spadici vel receptaculo elongato sint adfixa, illius nempe supra pistilla, hujus vero eis immixta, aptioremne in Polyandria Polygynia obtinerent sedem? Neque enim adeo rarum est, stamina receptaculo videre inserta, conf. *Vaccinium*, *Grisas*, *Elaeocarpus*, *Stratiotes*,

*tiotes*, in primis vero *Liriodendrum* & *Magnolia*, quæ, licet receptacula sint elongata & hujus stamina, ut in *Aro*, inverso quamvis ordine, posita, in Polyandria locantur.

OBS. 9. CARICES qua situm staminum & pistillorum multum variant, v. g. *C. leporina*, *muricata*, *loliacea* & *elongata*, spiculis androgynis, glumis superioribus femineis, inferioribus masculis. *C. vulpina*, spiculis 1. omnibus masculis. 2. superioribus masculis, inferioribus femineis, 3. androgynis glumis superioribus masculis, pluribus; inferioribus femineis, paucioribus, qualem *Scirpum palustrem* non numquam reperi. *C. remota*, spiculis 1. omnibus androgynis. 2. superioribus masculis, inferioribus androgynis. *C. digitata*, spicis 1. sexu distinctis. 2. omnibus masculis. 3. androgynis, glumis superioribus masculis, inferioribus femineis, ut etiam *C. filiformis* & *capillaris*. *C. acuta* & *vesicaria*, spicis 1. omnibus sexu distinctis. 2. intermediis, una vel pluribus, androgynis, glumis superioribus masculis, inferioribus femineis.

OBS. 10. BETULA *alba*, amento androgyno, floribus superne masculis, inferne femineis, præterita ætate mihi pluries obvia fuit. Bis etiam eiusmodi amenti squamas intermedias floribus hermaphroditis instructas observavi.

OBS. 11. MYRIOPHYLLUM *spicatum*, spica interrupta, nuda; floribus 1. plerumque superioribus masculis, inferioribus femineis. 2. rarius superioribus hermaphroditis, inferioribus femineis. 3. rarissime omnibus hermaphroditis. *M. verticillatum*, spica verticillata, foliosa, foliis oblongis, acutis, pinnatis; floribus singulis semper hermaphroditis. Multum igitur affines sunt hæ species, ut vix separari queant, in primis quum illa floribus etiam verticillatis, licet nudis, non numquam reperitur. Genus vero ipsum quod

quod attinet, nihil impedire videtur, quo minus, eodem jure ac *Callitriche*, ad aliam Classẽm, amandetur, & ad finem Ostdantiæ post *Elatinẽ* esset locus ejus naturalis.

OBS. 12. RHODIOLA *Rosea*, *Mercurialis perennis* & *Hydrocharis Morsus Ranae*, in floribus masculinis non tantum rudimenta germinum semper habent, sed ea quoque interdum accrescunt & fructifera evadunt, quod his quidem admodum raro, illi autem, in hortis plantatæ, frequenter accidit. Ita etiam *Populus alba*, mascula, heic in Horto Academico ante aliquot annos plures ramulos, floribus femineis instructos protulit, ut observavit D: nus DARL.

OBS. 13. HOLCI Svecani ab *Aira*, quo etiam antea relati fuerunt, vix nisi masculino flore, pistillo carente, discrepant. Sed vero multæ graminum species in eadem calycis gluma flosculis variant hermaphroditis & masculinis, v. gr. interdum *Aira cespitosa*, *Poa trivialis*, *angustifolia* & *pratensis*, *Festuca Bromoides*, cet., semper vero *Cynosurus virgatus*, *Avena elatior* & plura cum *Hordea* tum *Tritica*.

OBS. 14. PARIETARIA *officinalis* maxime est inconstans. Scilicet illam vidi 1. floribus hermaphroditis, tum veris, staminibus perfectis, tum spuris, staminibus imperfectis. 2. floribus masculis & cum & sine rudimento germinis. 3. floribus femineis, staminibus destitutis. Hi omnes sæpe in eadem planta, sine ullo ordine, inter se mixti conspiciuntur.

OBS. 15. ACER *Platanoides* & *campestre* variant floribus 1. vere hermaphroditis, staminibus & pistillo, utrisque fertilibus. 2. spurie hermaphroditis, idque duplici quidem modo, vel staminibus effectis, antheris nempe polline vacuis, ut frequenter *Cucubalus Beben*, vel pistillo

lo imperfecto & in semen non excrecente, ut interdum *Lilium Martagon*. Observavi prætera 1. arborem vere hermaphroditam, totam. 2. aliam pistillis abortientibus tantum non omnibus. 3. aliam floribus vere & spurie hermaphroditis, quodque plerumque obtinet, inter se commixtis, vel in eadem umbella, vel in diversis. 4. eandem denique arborem, uno anno flores producentem plerosque steriles, altero autem qua maximam partem fertiles. In floribus masculis germen quoque haud raro vidi, post aliquot dies serius quam in hermaphroditis incipiens, subito excrecere, quamvis initio non nisi stigma & stylus apparuerint. Nullum vero florem solitarium, staminibus effetis & pistillo imperfecto simul instructum, umquam inveni. Ex his autem omnibus aliisque abunde patet, magnam hujus generis cum umbelliferis, in primis que flosculos proferunt abortivos, esse similitudinem. Et certe *Daucum Carotam* eodem ferme modo variare observavi. Ideoque in alia potius Classe & quidem post *Epilobium* in Octandria, *Acer* videtur collocandum.

OBS. 16. FRAXINUS *excelsior*, ut *Acer*, variat floribus & vere, & spurie hermaphroditis, idque vel staminibus vel pistillo effetis. Scilicet si ex basi *germinis* pedunculati, ovati, compressi, duo exeunt *filamenta* brevia, opposita, terminata *antheris* polline repletis, est arbor *hermaphrodita*. Illæ autem antheræ, si perfectæ non adsunt, earum tamen videntur rudimentâ, minora majoraque, & antheram & germen referentia, plerumque sterilia, sed quorum unum aliquando, rarius utrumque in veras antheras tandem accrescit. Hæc est arbor *feminina*, & aliam numquam vidi: Sin vero antheræ polline fetæ, vel intermedium habent *germinis* rudimentum, quod haud raro deinde excrecit & semen evadit, vel illo pror-

prorfus deftituuntur, est arbor *masculina*, sed nullam vidi totam solis ftaminibus instructam. Arbores etiam observavi quibusdam annis semina proferentes, aliis vero omnino nulla. Hinc igitur conficiatur, melius fortassis fore, si ad Diandriam Monogyniam post *Morinam* referretur hoc genus, cum primis, si duæ reliquæ species eodem etiam modo variare deprehendantur.

OBS. 17. AGARICI character est quidem bonus. Sed duas habeo species, quæ valde recedunt. 1:0 *Helvella æruginosa*, Flor. Island. p. 20. OED. Dan. Tab. 534. Fig. 2. RÆTZ. l. c. p. 252.; mihi vero *Agaricus Foliolum*, stipitatus, pileo verticali, dimidiato, subtrilobo, margine obtuse crenato. Minutissimus vix observari potest in terra, ubi inter gramina passim copiose crescit erectus, foliolum aridum omnino referens, latere lamelloso glaucus, altero autem lævi obscure fuscus. *Stipes* pilei margini insertus: *Pileus* plerumque cordatus, subtrilobus: *Lamellæ* simplices, venæ elevatæ potius nominandæ. Ideoque ad *Merulios*, HALL. l. c. p. 150. & Scop. l. c. p. 461. forsan pertinet. 2:0 *Agaricus pectinatus*, HUDS. l. c. p. 623. *Agaricus* coriaceus, cet. RAJ. Syn. p. 25. T. 1. F. 5., loco lamellarum dentes habet lineari-oblongos, obtusos, compressos, distantes: quam ob causam *Hydnium* est affinis.

OBS. 18. BOLETI character etiam bene quadrare videtur. Sed meus *Boletus Agaricoides*, acaulis, coriaceus, supra villosus, poris oblongis diffomibus, in radio distinctos quidem habet poros, sed in disco lamellas laceratas, aculeis perquam similes, adeo ut de tribus hisce generibus participare videatur. Apud nullum Auctorem huc usque illum invenire potui. BATT. l. c. Tab. 35. Fig. C. adultum quadamtenus refert, sed descriptio p. 69. non bene convenit.

C

OBS.

OBS. 19. HYDNI character difficultatibus quoque paululum premitur. Etenim in silvis opacis crustas sæpe offendi albidas vel luteas, variæ formæ, muscis vel graminibus instratas, & inferiori pagina illis adfixas, superiori vero echinatus, aculeis erectis, obtusiusculis. Accuratius autem eas describere, mihi non dum vacavit.

OBS. 20. LYCOPERDON, ex variis conflatum, in plura, ni fallor, genera separetur, oportet.

1:0 *Lycoperdon Tuber, cervinum, Semen*, RETZ. l. c. p. 254. (*L. Brassicæ* B. BERG. Aët. Reg. Ac. Scient. Stockh. 1765. p. 208. sqq. *L. oleraceum*, POLL. l. c. Tom. III. p. 314.), *fraxineum*, HUDS. l. c. p. 641. sq. aliæque ejusmodi ulterius sunt examinanda, annon ad genus *Sphaeria* supra nominatum commode reduci queant? Sæltim *L. cervinum* & *fraxineum*: haud multum videntur abluere. Et quod pro *L. Tubere* apud nos vulgo sumitur, licet *cervino* longe propius sit judicandum, heic circa Upsalam & alibi in silvis non adeo infrequens, cortice duro, crasso, læviusculo vel parum tuberculato, pallide luteo, intus est cellularum plenum, quas tamen non dum vidi aliqua materia farctas.

2:0 *Lycoperdon Carpopodus* omnium maxime singulare, ab aliis quibusvis, huc usque cognitis, eo potissimum & fatis discrepat, quod, volva sub pluvia vel tempestate humida in plures lacinias apice rupta, e disco, cum crepitu talitro simili, in altum ejaculetur vesiculam fuscam, sphaeroidalem, quæ per auram in linea Parabolica fertur & ad terram delapsa sæpe disploditur & materiam effundit viscidam atque granulosam. Conf. MICH. l. c. p. 221. Tab. 101. & MÜLLER, l. c. p. 155.

3:0 *Lycoperdon stellatum* & *L. fornicatum*, HUDS. l. c. p. 644. (*L. coronatum*, SCOP. l. c. p. 490. sq.), quod atti-

attinet, heic solum significatum velim, volvam Austorum vix ita esse appellandam, quippe quæ si vera esset, capitulum aliquando teneret inclusum, quod tamen nec unquam inveni, nec quomodo fiat, bene intelligo. Scilicet *L. fornicatum* veram habet radiculam, quæ corpus sustinet globosum, coriaceum, fere dimidium terræ immersum & in ejus superficie in quatuor dehiscens lacinias, apice incurvatas, vid. BATT. l. c. p. 74. T. 39. F. 1. 5. Ita etiam comparatum est *L. stellatum*, quamvis non dum sit reperta ejusmodi radix, quam tamen adesse putaverim. Sed ejus laciniæ, ut sæpenumero observavi, initio terram spectant, illique qua partem plerumque inferuntur, quasi radicum vices agerent. Fungo autem maturo & maximo fructificationis pulvere disperso, apice sursum flectuntur & faciem volvæ multifidæ præ se ferunt.

4:0 *Lycoperdon radiatum* aliaque similia, in foliis præsertim arborum provenientia, quibus etiam *L. epiphyllum* fortasse adnumerari debeat, id habent singulare & diversum, quod limbus numquam inveniatur clausus, sed ab initio semper apertus accrescat, margine in plures lacinias fisso. Deinde augeri & ferme ad radii laciniarum revolutarum altitudinem augeri incipit discus, qui tandem variis rimis dehiscit & lanulam elastice expellit intumescentem & pulvere minutissimo immixtam. In aliis non nisi pulvisculus ille solus conspicitur.

5:0 *Lycoperdon Bovilla*, *pedunculatum*, *pisiforme*, *Epidendron*, *gregarium*, RETZ. l. c. p. 255. & alia ejusmodi, certissime hujus sunt generis & facile dignoscuntur cortice, fungo juveni, molli, lento, pulpofæ materiæ pleno, ore clauso: illo autem maturo, cortice duriusculo, tenuiore, fragili, apice vario modo dehiscente & pulverem farinaceum, ex pulpofa illa materiæ ortum, spargente. Huc etiam non nullos adnumero. Fun-

gulos, a b. m. von LINNÉ non descriptos, sed quos inter suas *Trichias* locavit HALLER. Etenim non differunt nisi cortice magis atque ad basin sæpe detracto, & lanula, loco soli nudique pulveris, exsiliante, pulvisculo varii coloris onusta. Possit igitur character hujus generis esse:

*Fungus subrotundus; cortice apice debiscente; fructificationis pulvisculo totum implente.*

---

## CAP. II.

## DE SPECIEBUS.

## §. I.

Illas, quæ, quantum ego quidem judicare possum, sedem mutare debeant, primum nominem.

**OBS. 1.** *PHLEUM arenarium*, quum calycem habeat carinatum, longitudine æqualem, minime vero truncatum, apice bicuspidato, a *Pbleis* ad *Pbalavides* refertur, characterem, quem videas bonum apud D: num HUDS. l. c. p. 23.

**OBS. 2.** *ELYMUS caninus* calyce gaudet opposito, solitario. Nec inter plura centena, quæ præ manibus habui & examinavi, exempla, nisi bis tantummodo, spiculas vidi inferiores geminas. Ideoque potius sit *Triticum*, cui characterem convenientem imposuit IDEM, l. c. p. 58.

**OBS. 3.** *TORDYLIUM Antbriscus* ob flosculos disci abortivos & fructum ovato-oblongum, hispidum, majori jure inter *Caucalides* collocetur, quod jam tum fecerunt HALL. l. c. Tom. I. p. 324. HUDS. l. c. p. 114. & LIGHTF. l. c. p. 155. Character possit retineri idem.

OBS.



OBS. 4. *ALSINE media* staminibus variat primo vere atque in terra macri tribus & quinque; æstate vero, autumno atque in solo pingui quinque & decem, prorsus ut *Arenaria rubra*. Illi præterea est *calyx* patens, *petala* bipartita, *capsula* sexvalvis, *semina* compressa & cetera omnia *Stellariæ* propria; quam ob rem huc amandetur appellanda:

STELLARIA *Alfina*, foliis ovato-cordatis, periolatis, caule dichotomo; pedunculis solitariis, fructiferis deflexis.

OBS. 5. *EUPHRASIA odontites* eo, quod *calycem* habeat bilobum, lobis bifidis; *corollæ labium inferius* reflexum, *lacinii* obtusis, subæqualibus; & *capsulam* ovatam, compressam, cet., ab *Euphrasia* ad *Bartsiam* commode reducatur, notis specificis illis, quas dedit D. nus HUDSON, l. c. p. 268., qui etiam characterem utriusque hujus generis rite emendavit, ibid. p. 267. sqq.

OBS. 6. *MNIUM Trichomanes*, *fissum* & *Jungermannia* ob capsulam, criterium Muscorum proprium, deficientem a *Mniis* sine dubio sunt separanda, & ob *Jungermannia* tum habitum, tum fructificationem, a quibusdam observatam, cum hoc genere socianda: id quod, consentiente nuperrime b. von LINNÉ, Fil. in *Diff. Meth. Musc.* illustr. Ups. 1781. p. 35. jam tum præstiterunt & ut *Jungermannias* bene descripserunt omnia tria hæcce *Mnia* HALL. l. c. Tom. III. p. 58. & 59. LIGHTF. l. c. p. 769. sq. & 778. atque WEB. l. c. p. 135. sq. 145. & 148. sq.; solum *Mn. fissum* & *Jungermanniam*, MICH. l. c. p. 6. & 8. T. 5. F. 14. & 16. atque SCOP. l. c. p. 347. sq.; unicum *Mn. Trichomanis* SCHMIED. *Diff. de Jungermann.* p. 20. F. 17. & SCHREB. l. c. p. 103. & tandem unicum etiam *Mn. Jungermanniam*, WEIS, l. c. p. 123. sqq. Et profecto in omnibus his tribus ego quidem sæpius vidi non tantum caules, interdum una cum foliis, terminatos *capitulis* sphaericis,

ricis, farinaceis, viridibus, capitula marium *Minorum* referentibus, sed etiam non nunquam in *Mn. Trichomane* & *Jungermannia* veram *Jungermannie* fractificationem, nempe *antberam* LINN. et quadrivalvem, vel *vaginas* terminales, cylindricas, in quatuor lacinias dehiscentes, ad finem mensis Maji vulgo obvias. *Mnium fissum* apud nos admodum est rarum, adeo ut in illud accuratius inquirere non dum mihi licuerit.

OBS. 7. *TREMELLA Lichenoides*, scutellis minutissimis, rotundis, concavis, extra glaucis, intus puniceis, per folia sparsis, circa prædium Sturehof in Sudermannia non semel a me est reperta. Ideoque non dubitem, quin ad *Lichenes* gelatinosos vel foliaceos *Linnaeos* eam referam cum D: no SCOP. l. c. p. 397. WEIS, l. c. p. 52. sq. HUDS. l. c. p. 537. LIGHTF. l. c. p. 842. aliisque, qui characterem & descriptionem dederunt.

OBS. 8. *ULVA pruniformis, granulata & radicata*, RETZ. l. c. p. 242., quatenus revera sunt gelatinosæ & minimè membranacæ, diaphanæ, potius *Tremellis* adjungantur. Fatendum tamen est, hæc genera adeo esse affinia, ut veri, si qui sint, inter illa termini difficulter inventiantur. Saltem non adhuc sunt possiti. Nequicquam tentarunt multi. Ceteris tamen præstare videtur, quem utrique imposuit D: nus WEBER, l. c. p. 276. sq., character: cui igitur ad- quiescendum, donec melior, si fieri possit, fuerit excogitatus. Evadunt quidem hæc *Ulvæ* per siccationem membranacæ & pellucidæ, sed hoc etiam plerisque *Tremellarum* accidit. Ad characterem vero quod attinet, idem retineri queat, licet locum mutarent. Verbo tandem monendum est, *Tremellam granulatam*, HUDS. l. c. p. 566. & *Ulvam granulatam*, LIGHTF. l. c. p. 976. non esse, quantum video, *Ulv. granulatam*, LINN., ut saltem hic cogitat, sed potius *Ulv. radicatam*, RETZ.

## §. II.

Species eas, quas pro solis varietatibus accipio, ex diverso loco naturali ortis, ut enumerem, instituti ratio jam requirit.

**OBS. 1.** *VERONICA spuria & longifolia*, quoniam numerus & spicarum & foliorum maxime variat, non est, cur pro diversis habeantur. Neque vero ipsam foliorum ferraturam animadverto adeo constanter similem. Ideoque parum abest, quin *Ver. maritimum* huc etiam adnumerem. Sed de ea, usque dum veram ex maritimis Sveciæ obtinuerim, nihil certi dicam. Hoc vero certum est, me possidere exempla *spicis pluribus & unica*, quibus *folia* sunt & *opposita & terna*, & hæc vel *æqualiter* vel *inæqualiter serrata*. Atque has omnes varietates in aridis & lapidosis apud nos promiscue crescere, eo certius scio, quia plerasque in Vestrogothia & maxime in illius montibus ipse sumsi. Quid? quod, ex eadem radice vidi provenisse caules *spicis pluribus & unica*, in eodem caule *folia opposita*, *terna & quaterna*, & tandem in eodem folio *ferraturam æqualem & inæqualem*. Omnes autem in eo congruunt, quod *caulis erectus*, *raris pilis adspersus*: *folia acuta*, *oblongo-lanceolata*, *petiolata*, *argute plerumque serrata*, *utrimque glabriuscula*: *calyx*, *laciniis lanceolatis*, *marginem vel totum villosus*. Quam in Vestrogothia reperi maxime vulgarem, est illa *foliis oppositis*, *spica unica*.

**OBS. 2.** *PHLEUM pratense & nodosum* eo minus specie differunt, quod utrumque in eodem cæspite, illud nempe in centro & hoc in ambitu, non semel offendi. Etenim pro diverso solo *radice variat nodosa & fibrosa*, *culmo erecto & ascendente*, *foliis angustis & latis*, *spica brevi*, *ovato-oblonga & longissima*, *cylindrica*, *glumis magis minus*.

nusve villosis, carina tamen semper ciliata, *antheris* denique albis & flavis. Scilicet in terra fecunda radix evadit fibrosa; folia latiora, obliqua, glabra, ut & glumæ; spicæ longissimæ, cet. : & in steriliori omnia sunt contraria. In locis perfatis culmus videtur adscendens, in quietis vero erectus, cet. Sic ex radice nodosa culmum excrefcere omnino erectum, sæpissime observavi.

OBS. 3. *AGROSTIS stolonifera, capillaris, alba & pumila* in unam, nomine *polymorphæ* optime congruente, jam tum conjunctæ sunt a D: no HUDS. l. c. p. 31. sq., consentiente & pluribus deinde argumentis id confirman- te b. von LINNÉ, Fil. in Diss. Nov. Gram. Gen. Upsl. 1779. p. 14. sqq. De quo autem ut ipse evaderem eo certior, ante duos annos sumsi terræque loco pingvi humidi asculo commisi semina *Agr. albæ & pumilæ*, quarum illa in umbrosis ad fossas viarum, hæc autem in collibus apricis sterilissimis provenerat, & insequenti anno veram habui *A. stoloniferam*. Itaque non dubito, quin hæc solum sint varietates. Quod in *Agr. capillarem*, ex solo sicciore ortam, etiam convenire cogito, quippe quam in campis sterilibus aridisque semper vidi crescentem. *Agr. sylvatica*, quam huc quoque adnumerat DENUS HUDSON & una cum *Virginica* b. v. LINNÉ, non dum, quantum mihi constat, intra fines Patriæ est reperta.

OBS. 4. *POA alpina, trivialis, angustifolia & pratensis* ab eodem v. LINNÉ l. c. p. 13. & 15. pro solis varietatibus sunt habitæ. Et profecto ad tres in primis posteriores, quarum metamorphosin accuratius observare licuit, quod attinet, numerum flosculorum non tantum in diversis plantis, verum etiam in diversis culmis, ex eadem radice prognatis, immo in eodem culmo multum variare deprehendi, & generatim a duobus ad sex numeravi. Neque cetera, quibus dis- cre-

crepant hæ species, nisi loco natali tribuenda existimo. Scilicet *Poa pratensis*, robusta & læte viridis, in pratis optimis locisque pingviori humo abundantibus provenit, *radice* repente: *culmis* stoloniferis: *foliis* latis, obtusis, margine scabris, ceteroqui nudis: *petiolis* glabris: *stipulis* obtusis: *panicula* patente, ut & ramulis lævibus, glabris: *spiculis* glomeratis, plerumque quinquefloris. *Poa trivialis*, minor & pallidior, in campis & pascuis minus fertilibus crescit, *foliis* angustis, interdum revolutis, acuminatis, scabris: *petiolis* scabris: *stipulis* acuminatis: *panicula* patente, ut & ramulis angulatis, scabris: *spiculis* glomeratis, plerumque trifloris. *Poa* denique *angustifolia*, vel *gracilis* & alta in umbrosis solo haud infecundo, vel humilior in apricis arenosis collibusque aridis enascitur, *radice* repente: *foliis* angustissimis, sæpe setaceis, acutis, scabriusculis: *petiolis* glabris: *stipulis* obtusis: *panicula* erectiuscula, ramulis divaricatis, angulatis, scabris: *spiculis* distantibus, plerumque quadrifloris. Omnes autem tres conveniunt, *radice* fibrosa: *culmis* pluribus, ancipitibus, glabris, erectis, in illa & ista specie subinde adscendentibus: *foliis* ensiformibus, in ista & hac ad basin angustioribus: *petiolis* vaginantibus, carinatis, striatis: *stipulis* intrafoliaceis, membranaceis: *panicula* diffusa, ramosa: *spiculis* acuminatis vel acutis, pedunculatis, sed in *P. angustifolia* magis, quam in reliquis duabus: *stipulis* acutis, basi magis minusve lanatis vel pilosis. His quoque addendum est, *P. angustifoliam*, quando lucos & nemoria intrat, *P. nemoralis* evadere adeo similem, ut ab hac difficulter admodum discerni queat. Talem ante aliquot annos in terram transferebam bene pastinatam stercoramque, & ibi magis magisque *Poa pratensis* induebat habitum.

DBS. 5. *Bromus bordacensis* majorem cum *Br. molli*, quam *secalino* similitudinem habere videtur, & in illum,

D

per

per diversa loca crescendo; sine dubio commutatur. Nam in editis siccissimis evadit nanus, totus hirsutus; *panicula* simplicissima; *spiculis* paucis, omnibus appressis, inferioribus subpedunculatis, superioribus sessilibus; *aristis* longissimis. In terra minus sterili *culmus* est altior, lævior, *foliis* non adeo hirsutis; *panicula* inferne erectiuscula, longius pedicellata, superne coarctata, pedunculis brevibus; *spiculis* villolis; *aristis* longis. In loco tandem paulo depressiori & aliquantum fertili *culmus* conspicitur totus glaber; *foliis* utrimque mollissimis, sericeis; *panicula* inferne patente, subramosa, superne erectiuscula; *spiculis* longe pedunculatis, tenuissime pubescentibus; *aristis* brevibus. Semper autem *culmus* est erectus, teres, striatus: *genicula* crassa, cylindrica, purpurascens, hirsuta: *folia* plana, mucronata; nervo dorsali albicante notata: *oris* membranula albida, obtusa: *vaginæ* striatæ: *spicula* ovata, compressiusculæ, striatæ. Atque ideo si *Br. bordeaceus* cum *secalino* jungatur, oportet, huc etiam adnumerandus erit *Br. mollis*.

OBS. 6. *PLANTAGO altissima* & *lanceolata* rarius permixtæ, frequentius separatim nascuntur. Illas vero solum esse varietates, a terra & tempestate oriundas, ex observationibus habeo persvasissimum. Etenim sub æstate pluviosa anni 1780, primum mihi, in hortis ad prædium Sturehof, se conspiciendam præbuit *Pl. altissima*, *scapo* angulato, scabro, subinde quadripedali; *foliis* petiolatis, lato-lanceolatis, quinquenerviis, plerumque bipedalibus, glabris & villosis, dentatis; *dentibus* paucis, remotissimis & valde obtusis: *spica* cylindrica, longa, sæpe palmari. Anno autem insequenti, quum tempestas erat serena & torrida, eodem loco non aliam inveni, nisi *Pl. lanceolatam*, *scapo* pedali; *foliis* sesquipedalibus, angusto-lanceolatis, trinerviis, integerrimis: *spica* ovata vel ovato-oblonga, brevissimi.

vissima. Æstate vero anni 1782, pluviarum abundante, frequens revenit eadem *Pl. altissima*. Sic etiam hoc anno copiosissima crevit. Sed proxime præterlapso, pluvia deficiente, ne ullam quidem offendere potui. Hinc igitur conficiatur, *Plantaginem altissimam* esse *Pl. lanceolatae* varietatem magnam, solo fecundiori & tempestatu pluviosæ tribuendam.

OBS. 7. RIBES *reclinata*, *Grossularia* & *Uva crispa*, certas stabilesque notas specificas, quibus distingvantur, nullo modo, quidquid tentavi, invenire potui. Scilicet observavi 1:0 in eodem frutice baccas hirsutas & glabras; 2:0 frutices ramis mediis erectis, ambientibus recurvatis; 3:0 ramis omnibus erectis; 4:0 ramis omnibus recurvatis, iisque semper maxime aculeatis; 5:0 denique omnes hos frutices promiscue baccis glabris & hirsutis, majoribus & minoribus, rotundis & oblongis, rubris, viridibus & albidis; bracteis vero plerumque diphyllis, rarissime monophyllis vel triphyllis. Frutices tamen ramis recurvatis sæpius, quam reliqui, bracteam habent triphyllam. Illis, qui baccis gaudent hirsutis, sunt etiam pedunculi, bractææ, gemmæ & calyces pilosi, pilis plerumque capitatis, vicidis. Sed hæc omnia aut omnino glabra, aut leviter pubescentia habent illi, quibus baccæ sunt glabræ. His etiam nonnumquam bractea adest duplex, superior diphylla, inferior monophylla. Frutices autem, quos vidi, omnes in eo congruunt, quod *rami* angulati, spinosi, juniores *spina* unica, adulti plerumque duabus vel tribus: *gemmae* ovatae, obtusæ, foliis & floribus communes: *folia* juniora utrimque pubescentia, adulta plerumque supra glabra, tri-vel quinqueloba, lobis trifidis, denticulatis: *petioli* ciliati, ciliis vel omnibus pilosis, vel superne tantum & inferne plumosis: *pedunculi* bractæati, bractea sæpiissime diphylla, foliolis ovatis, ciliatis, uno

majore, semiamplexicaule, interdum bipartito, altero minore, sæpe deciduo, inferiore: *calyx* intus rubellus: *flores* solitarii vel fasciculati, penduli, fauce pilosa: *germen* villosum, villis deciduis: *stigma* capiratum. Qui apud nos sponte crescunt, fruticibus plerumque rami sunt erecti & ~~hæc~~ glabræ, subinde tamen illi declinati & hæc hirsutæ.

OBS. 8. CHENOPODIUM *album* & *viride*, quippe quorum differentia ex solo loco originem ducit, non possum, quin jungam. Etenim in sîmetis antiquis, rudera-  
tis pinguibus, hortibus bene pastinatis, cultis oleraceis aliisque saginatis planta enascitur læta, obscure viridis, *foliis* magnis, latis, rhombis, dentato-sinuatis, rameis lanceolatis, integerrimis; *racemis* longis, patentibus, ramosis, diffusis, subfoliatis; *calycibus* argute pentagonis. Et hoc *Chenopodium viride*. Semina autem terram si offenderint siccio-  
rem, durio-rem & minus bene cultam, planta oritur pallide viridis, matura albida, *foliis* inferioribus triangularibus, eroso-sinuatis, superioribus lanceolatis vel linearibus, integerrimis, sessilibus; *racemis* brevibus, erectis, simplicibus, glomeratis, nudis; *calycibus* obtuse pentagonis. Hocce est *Chenopodium album*. In locis tandem siccissimis atque editis planta evadit pusilla, digi-  
talis, *caule* rubicundo; *foliis* erectis, integerrimis, oblongis, summis lanceolatis, infimis rubentibus; *racemis* paucissimis, brevissimis, appressis, simplicissimis, conglobatis. Faciem adeo singularem ostendit hæc planta, ut pro alia specie sumerem, nisi per experimenta scirem, eam præcedentium esse tantummodo varietatem parvulam.

OBS. 9. SPERGULA *pentandra* a *Sp. arvensi* si non differt nisi floribus pentandris & quod magis glabra, certissi-

me



me est eadem species, quoniam non solum plantas vidi rotas pentandras, superne tenuissime pubescentes, sed etiam in eadem planta, eaque interdum magis glabra, stamina quinque, septem & decem sæpissime numeravi.

OBS. 10. ANEMONE *Pulsatilla* primo, postquam effloruit, die peritac erecta, secundo flos nutare incipit, tertio vel saltim quinto petala tantum non omnia cernuntur apice reflecti, initio violacea, ætate vero pallide carulea. In lateribus, quæ meridiem spectant, collium altissimorum prius, quam in campis depressioribus flores explicat, quos ad finem mensis Maji & initium quoque Junii sæpe decerptos domum retuli. Pro nutritione & tempestate magnitudine etiam variant, & quò sunt minores, eo obscuriores animadvertuntur. Quænam igitur hæc inter & *An. pratensem* vera intercedit differentia?

OBS. 11. MENTHA *hirsuta* ab *aquatica*, fatente ipso b. m. von LINNÉ, Mant. Plant. p. 81., non discrepat, nisi solum foliis magis sessilibus, hirsutis. Dissimilitudo, ad speciem ideo creandam, nimis exigua, & ne illa quidem contans! Etenim speciminibus, quæ vidi, omnibus *caulis* est vel simplex, fortassis junior, vel frequentius ramosus, diffusus, forsitan adultior, interne & cum primis ad basin glabriusculus, superne pilosus & etiam hirsutus: *folia* ovata, serrata, utrimque hirsuta vel etiam, præsertim in plantis caule ramoso, pilosa, pilis aliquando admodum raris; inferiora petiolata, in plantis præcipue caule simplici subinde orbiculata, crenulata; superiora subsessilia, in ramis ramosa; *calyx* hirsutus: *corollæ* rubicundæ & albide: *stamina* pedicellati, vel capitati vel simul verticillati, maxime ubi *caulis* est diffusus; immo, exempla non numquam inveni floribus solum verticillatis: *stamina* corollæ breviora vel longiora.

giora, vel illam æquantia; omnino ut in *Mentha gentili* & *arvensi*. Plantam totam glabram numquam vidi.

OBS. 12. *HESPERIS matronalis* variat *foliis* magis minusque ad basin argure dentatis, scabriusculis & mollioribus: *petalis* absque & cum mucrone, etiam in eodem flore. Illa quoque in hortis incultis quando sponte crescit, flores observavi multum amississe odoris & coloris calyces, folia evasisse breviora, basi argutissime dentata, & stamina denique ad rubi longitudinem vix attigisse. Ideoque, me iudice, non est, quod ab *Hesp. inodora* separetur.

OBS. 13. *GERANIUM molle* & *puffillum* quibus certis notis distinguantur, non capio. Ei quod ad prædium Sturhof frequentissime proveniens reperi, est *radix* fusiformis, alba, insipida. *Caules* plurimi, vel cum vel sine communi trunculo, in siccis breves, in meliori terra longi, inter alias herbas erectiusculi, in locis liberis omnino procumbentes; ramosi, diffusi, teretes, læves, mollissime villosi, dichotomi, subinde cum tertio e dichotomia exeunte, geniculati, geniculis, planta præsertim adulta, inferioribus tumidis, rubicundis. *Folia* supra glabra; subtus tenuissime villosa, petiolata, opposita, suprema; interdum alterna, orbiculata, quinque-rarius septempartita, segmentis extimis bifidis, inciso-dentata, dentibus magnis, plerumque tribus, acutiusculis; folia aurem suprema non raro lobata, lobis lanceolatis, acutis. *Petioles* mediores, teretes, læves, subvillosi. *Stipulae* tres vel quatuor, rarius duæ vel quinque, ferrugineæ, simplices vel bifidæ, lanceolato-subulatae, integerrimæ, ciliatæ villis mollissimis. *Peduncululi* biflori, inferiores rarissime triflori, subvillosi, alterni vel in dichotomia ramulorum exeuntes, rarius & non nisi supremi oppositifolii, pedicellis, altero breviori,

ri, floriferis erectis, fructiferis adfurgentibus. *Calyx* pentaphyllus, foliolis ovatis, acutis, mucicis, patulis, pilosis, pilis rectis, longioribus. *Petala* quinque, calyce paullo longiora, obcordata, profunde emarginata, primo die purpurea, secundo violacea. *Stamina* quinque, alterna castrata, etiam in flore non dum explicato. *Antbera* ante apertionem caruleo-purpurea, sed dimisso polline carulea. *Arilli* mollissime villosi. Quod pro *Geranio molli* ex Scania habeo, quodque hic prope Upsaliam ipse sumsi, a jam descripto non differunt nisi solum foliis utrimque villosis pilosisve. In illo quoque stipulas observo breviores, omnes integras, oblongas, acutas, atque stamina decem pollinifera.

**OBS. 14.** *Pisum sativum & arvense*, quippe quæ, quantum ego perspicio, sola magnitudine, culturæ tribuenda, discrepant, libenter vellem in unum jungere. Illi enim petioli tetra-rarius hexaphylli; pedunculi in terra pingvi multiflori, in dura & non saginata biflori ac frequenter etiam uniflori. *Huic* petioli tetra-rarius diphylli; pedunculi uniflori & interdum gemini vel biflori. *Utrique* autem petioli teretes & stipulæ inferne crenatæ, quamvis *Pis. arvense* eas habeat angustiores, oblongas & inferne ut plurimum acutiusculas.

**OBS. 15.** *TRIFOLIUM pratense & alpestre* distingvere non valeo. Utrumque calycibus gaudet striatis, corollis monopetalis & stipulis scariosis, sed alioquin nimium quantum variat caule erecto & procumbente, simplici & diffuso: *stipulis* viridibus & rubro-venosis, lanceolatis & subovatis: *capitulis* ovalibus & sphericis, intensius & pallidius purpureis, sed præsertim *foliolis*, 1:0 omnibus *integerrimis*, obovatis, ovalibus, oblongis, lanceolatis, acuminatis vel obtusis, hisque in eodem sæpissime caule:

ca-

*capitulis* α) binis vel solitariis pedunculatis, i. e. a foliis supremis oppositis spatio remotis; *calycibus* glabris, margine & laciniis pilosis, pilis raris, erectis, longis; β) solitariis, sessilibus, h. e. cinctis stipulis oppositis, membranaceis, foliiferis; *calycibus* totis vel glabris vel pilosis, pilis adpressis, sed in laciniis erectis, longissimis: 2:0 omnibus *ferrulatis*, infimis longo-ovatis, obsolete emarginatis, ceteris ovato-oblongis, obtusissimis; *capitulis* sessilibus, plerumque solitariis; *calycibus* pilosis: 3:0 *integerrimis* & *ferrulatis* mixtis, infimis-obcordatis, superioribus ovali-oblongis, obtusis vel emarginatis, floralibus oblongis; *capitulis* sessilibus & subpedunculatis, solitariis & rarius binis; *calycibus* pilosis.

OBS. 16. *BIDENS cernua*, radiis instructa, est vera *Coreopsis Bidens*. Ideoque cum POLL. l. c. Tom. II. p. 430. sq. & D:HO HUDS l. c. p. 356. hanc ad illam referam & in unam speciem jungam, idque eo majori jure, quod hæc flosculis variat in radio fructiferis & sterilibus, floribusque in eodem caule radiatis & discoideis, atque præterea semina habet omnino *Bidentis*, nempe tetragona & pappum, aristis quatuor æqualibus, rectis, filiformibus, acuminatis, retrorsum aculeatis, carentibus margine membranaceo & protuberantia transversali ad apicem & basin. De cetero alias quoque vidi species, floribus radiatis simul & discoideis, v. gr. *Bidentem tripartitam* & *bipinnatam*, *Senecionem sylvaticum* & *Jacobæam*, cet.: Et in genus *Bidentis* id in primis quadrare, ipse fatetur b. m. von LINNÉ, vid. charact. *Bidentis*, Syst. Veget.

OBS. 17. *MATRICARIA suaveolens*, quantum video, est omnino eadem, ac *M. Chamomilla*, quippe quæ, cælo sereno, ab hora pomeridiana quarta ad matutinam octavam, sub pluvia autem & intemperie, etiam in locis sole

le omni privatis, & plerumque post peractum dimidium Septembrem, per totum diem radios habet deflexos.

OBS. 18. ORCHIS *incarnata* & *sambucina* sunt adeo similes, ut eas jure junxisse reputetur D: nus Prof. RETZIUS, l. c. p. 167., præeunte b. m. von LINNÉ, Mant. Plant. alt. p. 486. Etenim utrique *bulbi* palmati, *nectarii* cornu conicum, *labium* ovatum vel cordatum, obscure trilobum, *petala* dorsalia reflexa, *bractea* longitudine florum. Sed illius folia plerumque plura & paullo acutiora, *petala* magis reflexa & *labium* evidentius ferrulatum.

OBS. 19. LEMNA *minor* supra aquam natat, & donec ejus superficiem attingunt folia, utrimque videntur planiuscula. Ubi vero plura fuerint congesta, altera alteris imposita, superiora plerumque deprehenduntur sub tus magis gibba, adeoque in *Lemnam gibbam* commutantur. Vereor etiam, ne folia illa subrotunda, ætate pro vectiora, evadant magis oblonga, crassiora, inflata, superne sulcata, & subrus plures emittant fibrillas, atque ideo habitum induant *L. polyrhiza*.

OBS. 20. ZOSTERA *oceanica* si non nisi radicibus complicatis & pericarpis pedicellatis a *Z. marina* differt; non separandæ hæc duæ videntur. Scilicet planta illa pusilla, quam, in litoribus maritimis Bahusæ sabulosis crescentem, magna copia obtinui, *radices* habet in pilum unicum vel etiam plura conferta complicatas; *folia* brevia, linearia, angusta, obtusa; *pericarpia* oblonga, superiora in spadice pedicellata, inferiora sessilia. *Zosteram marinam* radicibus etiam in plura pila sed distantia complicatis vidi.

OBS. 21. PHASCUM *pedunculatum*, (*Splachnum Mnioides*, LINN. Fil. Meth. Musc. p. 26.), habet *folia* ovata, acuta,

acuta, mutica; *pedunculum* juniorem perquam brevem, pallide viridem, adultum vero multo longiorem, lutescentem vel rufum; *receptaculum* ejusdem coloris, sed ætate proVectum, una cum capsula & operculo, sanguineum, alias initio globosum, deinde obovatum & tandem oblongum. Est igitur nihil aliud, quam varietas  $\beta$  *Splachni*, *umbraculo ampullaceo clauso*, LINN. AMCEN. Vol. II. p. 282., atque adeo *Splachnum vasculosum*. Et pro hujus varietate, loco & climati vel ætati tribuenda, facile sumerem *Spl. sphericum*, LINN. Fil. l. c. p. 33. T. I. F. I. Neque vero ipsum *Spl. ampullaceum* differt, nisi foliis paullo angustioribus, aristatis, receptaculo adulto plerumque obconico, & capsula longiori.

OBS. 22. *HYPNUM rugosum & scorpioides* omnia habent simillima, præterquam quod illud, utpote in siccis proveniens, sit aliquantum minus, capsulis paullo erectioribus brevioribusque, & foliis ad basin magis rugosis. Neque enim in hoc sunt omnino lævia, sed basi plicata. Jure igitur hæc duo, ut unam tantummodo speciem, consideravit & accurate descripsit D:nus WEBER, l. c. p. 66. sqq. Contendit idem Auctor, p. 70., & valde etiam ego suspicor, neque *Hypnum squarrosum & loreum* esse diversa, quamvis hujus furculi deprehenduntur longiores, ramuli apice paululum magis recurvi & folia ramea secunda. Sunt tamen furculorum omnia reflexa, ut in *H. squarroso*, quod ætate solum proVectiori differre videtur.

OBS. 23. *LICHEN geographicus*, cujus *crusta* annulo atro, in primis junior, subinde cinctæ, tenuis, rimosa, inque varias minores majoresve glebas planas dissecta, de viridi & flavescenti colore primum participat, deinde pallidior & tandem, ni fallor, fusca evadit; & cujus *tubercula* atra, rarissime aliquantulo viridis tinctæ, crustæ immerfa, illam æquantia, in rimis maxime collocata, vel

vel solitaria, regularia, vel congregata, undique pressa, distincta ramen, vel sæpe etiam confluentia, lineolasque ideo sparsas, quæ rivulos in tabula geographica quadamtenus referunt, formantia, sunt juniora minutissima, medio parum elevata, ætate vero paullo majora & prorsus plana: nihil omnino habet, quo a *Lichene atro-vivente* distingvarur.

OBS. 24. LICHEN *fagineus* in corticibus variarum arborum frequenter occurrit *crusta* tenuissima, pro ætate glaucescente, albida vel cinerea, circulis concentricis varii coloris plerumque circumdata; *tuberculis* albis, centralibus, confertis, ruptis farinaceis, planis. Sed tubercula illa in centro sæpenumero etiam vidi magis dilatata, quasi excavata, rugosa, i. e. minutissimis aliis tuberculis dehiscensibus oblita. Et hunc *Lichenem* esse *carpineum*, a priori non diversum, existimo. Utrumque *crusta* cingulis destituta tuberculisque per illam sparsis non numquam inveni.

OBS. 25. LICHEN *jubatus* & *chalybeiformis*, ut recte adserit DENNIS WEBER, l. c. p. 229. sq., non nisi ætate vel loco natali differunt. Cujus rei observationes, per plures annos institutæ, me certiozem fecerunt. Scilicet initio est simplex, atro-viridis, solidus, deinde quo magis accrescit, eo magis etiam evadit ramosus, *filamentis* longissimis, pendulis, glabris, nigricantibus vel cinereo-nigris, cavis, implexis, subrigidis, ad axillas plerumque compressis, patentibus, divergentibus & etiam divaricatis, apice bifidis, crispis; *tuberculis* sparsis, minutissimis, pulvere farinaceo albo repletis. Talis vulgo conspicitur ille, qui ex ramis arborum pendet, & verus est *Lichen jubatus*. Hic vero in truncis vel ramis crassis si fuerit enatus, incipiunt tandem filamenta tenuissima, capil-

pillacea sensim decidere, & quæ restant, majora evadunt, magis procumbentia, rigida, fusciora vel cinereo-fusca, divaricatissima, diversis modis flexuosa, implicata, axillis compressis vel teretibus, & tuberculis sæpe vacuis. Atque hic est *Lichen calybeiformis*, qualem in lapidibus & sepimentis plerumque videris, ubi nullus est locus in filamenta pendula se extendendi.

OBS. 26. *LICHEN birtus & floridus*, si scutellas, quibus hic est instructus, exceperis, vix discerni possunt. Quum vero & illum, initio scutellis destitutum, eas post aliquot annos produxisse, ipse observaverim, non est dubium, quin jure in unam speciem copulari debeant. Huc etiam proxime accedit *Lichen plicatus*, non distinctus, nisi quod sit major & ramos habeat longissimos, pendulos, minus divaricatos. Sed hæc dissimilitudo annon ex alio natali loco oriri posse putaretur?

OBS. 27. *Fucus divaricatus*, quem ex oris maritimis Bahusiæ & Hallandiæ magna satis copia missum possideo, *F. vesiculosus* adeo est similis, ut, mea sententia, recte eos conjunxerit D:nus HUDSON, l. c. p. 576. sq. Etenim uterque est *frons* plana, dichotoma, costata, integerrima, margine crispa vel undulata vel contorta, fibris capillaribus, aggregatis, & granulis numerosis, sparsis utrimque instructa: *stipite* inferne plerumque nudo: *vesiculis* tumidis, *axillaribus* ovatis vel rotundis, intus villosis; vulgo geminis, raro pluribus, sæpe solitariis; *terminalibus* solitariis vel bifidis vel geminis, tuberculatis, ovatis, acutis vel obtusis, materia viscida, villis immixta, repletis. *Fucus divaricatus* differt solum, quod sit plerumque minor, & quod versus ramorum apicem sub axillis conspiciantur vesiculæ geminæ, & alia solitaria, bifida vel lunularis in ipsa axilla, unde rami supremi evadunt divaricati.

OBS.